



Skandalozan odnos nadležnih institucija prema spomenicima




Foto:TVSA

23/11/2018 7:47 PM

Skandalozan odnos nadležnih institucija prema spomenicima kulture traje godinama. Haotično stanje u ovoj oblasti bio je povod da Vijeće kongresa bošnjačkih intelektualaca organizira konferenciju za novinare. Upućen je apel stručnjaka prema državnim organima, pravosudnim institucijama, naučnoj i stručnoj javnosti da se sačuva neprocjenjivo kulturno naslijeđe Bosne i Hercegovine.

Jedan od primjera- Arnaudovići (Mile) kod Visokog, gdje je među ostalim, pronađen grob kralja Tvrtka - spomenik nulte kategorije uz zabranu bilo kakve gradnje u prve tri zone, i planom izmještanja puta koji presijeca lokalitet.

„Bio je plan da se ta cesta izmjesti zbog upravo važnosti da se zaštititi taj uži dio, šta se desilo, sagrađena je cesta još bliže grobu kralja Tvrtka“ rekao je historičar Enver Imamović.

Drugi primjer- neolitsko nalazište Butmir. Uništavan godinama, a danas struka tvrdi da je izvornog lokaliteta ostalo možda 30 %, sa više od 60 nelegalno izgrađenih objekata.

Problem je u nezainteresiranosti institucija, nepostojanju i sistemskom nemaru, što stvara depresivnu priču kojoj se ne nazire rješenje, kaže direktor Zemaljskog muzeja – još jednog nacionalnog spomenika koji nema riješen pravni status.

Na današnju press konferenciju pozvani su i predstavnici Komisije za nacionalne spomenike BiH koji se nisu pojavili, kao ni federalnog Zavoda za zaštitu spomenika. Problemi su stvarani godinama i danas je kulturno naslijeđe u haotičnom stanju.

„Mi u Sarajevu imamo Baščaršiju, koja je napadnuta od neprimjerene interpolacije novih objekata na zaštićenom jezgru Hajde da radimo svoj posao od općinskih, kantonalnih i državnih institucija“ istakao je Nervin Dacić, direktor Zavoda za zaštitu kulturno-historijskog i prirodnog naslijeđa KS.

Sistemsko istraživanje, zaštita i briga o kulturnom naslijeđu prekinuto je raspadom Jugoslavije. Od tada se političari nadmeću nacionalnim identitetima, potpuno zanemarujući kulturni i civilizacijski, koji je svakog dana u lošijem stanju.


TVSA (Sanela Kapetanović)

→ Sarajevo

1 / 5

→ BiH

1 / 5



Custom Search

Izbor urednika


Svijet



Nakon incidenta u Kerčkom moreuzu: Evropa uvodi jače sankcije Rusiji

27/11/2018 10:03 AM

Zanimljivosti



VIDEO NASA-ina sonda uspješno sletjela na Mars

27/11/2018 9:59 AM

Bosna i Hercegovina



Skupština donatora regionalnog stambenog programa u Parizu

Najnovije

- KS: Komunalna preduzeća objediniti u jedan holding (VIDEO)
- Pompeo primio Thacija i pozvao da Kosovo ukine carine Srbiji i BiH
- Delegacija glavnog grada u Dubrovniku: Sarajevo novogodišnji centar regije
- Nakon incidenta u Kerčkom moreuzu: Evropa uvodi jače sankcije Rusiji
- VIDEO NASA-ina sonda uspješno sletjela na Mars

GLEDAJTE EMISIJE

TV SARAJEVO



TVSA UŽIVO ZA KORISNIKE

TELEMACH-a



TVSA UŽIVO ZA KORISNIKE

BH TELECOM-a



TVSA UŽIVO ZA KORISNIKE

LOGOSOFT-a



Sarajevo, BA

6°

10:33 CET

Oblačno

KURSNA LISTA